

June 11th Oct 1898



大清光緒廿四年

本館新開除禮拜外每日出報一
紙外埠均可函致本館取
閱如外埠閱報加寄費不
也除日本從英德法各國
借工本從英德法各國
刊印各器以待與英德法
體活字及各式花邊等延
西人排印工藝甚精所有
印字大小機器均用精工刊

第五千零六十五號

申報

(號七第牌門口武巴舊在設開館本)

戊戌八月廿六日

印工緻絕倫並延有文士書
寫各體文字現由上海購到
各種書籍出售其書目另行
刊佈所有各項甚相宜再
本館所登來札原擇其有益
世道人心者附登否亦須無
礙於人而後始錄其有謬
成文以及支離費解者概不
登錄嗣後諸君來札尚祈
自諒更須寫實里而後敢
將原稿收回也本館謹白

大英一千八百九十八年十月十一號(二拜號) 仙容字每日首自告備五張每色銀圓一月每

論德國漸思恢張霸權

甚矣今日亞洲時局之岌岌可危也歐美諸國大小相維強弱相制雖有梟傑不世出之主一時無可吞併
無可割據於是航海萬里遠來亞洲中國素未稔其虛實惟為之慮與委蛇立約互市數十年來西人既獲
我利權復漸肆其蠶食鯨吞之計美利堅去中國稍遠且素不喜擾人土地以是除商務外殊少干涉俄羅
斯居中國西北形勢如高屋建瓴最為逼近英法兩國素以水師擅名輪船縱橫所向無敵以是三國霸權
早橫肆於亞洲海面中國雖屢受虧辱不敢櫻其凶鋒蓋非特畏其兵力之強亦其形勢固因利乘便固有不
可遏抑者在也德意志為歐洲大陸之強且多為地球各國之冠然與中國相隔遠無從窺我邊
疆水師又非其所長以是通商多年並未費端輕啟自去歲以教堂之案藉詞索我膠州朝廷有鑒於遼
東之役不敢輕言開戰償金租地無不委曲聽從論者謂中國至今日孱弱情形固已無可掩飾俯首受辱
夫復何言獨怪德國本不以水師著名今忽拓地於數萬里之外荷海軍力有未充縱不慮示弱中國獨不
畏他國之乘其後乎雖然欲論天下之事必先知列國之心竊嘗縱觀歐洲大勢而知德皇之所謀固亦有
不得已者在焉蓋德自戰勝奧國日耳曼列邦拱手稱尊其威權已在別樹一幟故相思參又以管商之
術部勒其國人所定軍政至精且密苟有徵發數百萬之眾尅期可集然陸兵雖甚強盛而歐洲各國無不
以水師為富強之基德皇年少氣銳不甘步人後塵於是雄心勃發借中國為發難之端以示今日時勢苟
非振興水師斷不足爭雄於地球各強國迫膠澳之事既償大欲德皇益思開拓境宇樹立威名蘇縷島者
飛猶邊羣島之一也十餘年前德人久思設法攫取嗣為西班牙所覺計不得遂近因美西開戰德兵艦聚
泊此島躍躍欲試之意已不可復遏德人久思設法攫取嗣為西班牙所覺計不得遂近因美西開戰德兵艦聚
且有戒心而謂亞洲人民高枕無慮哉雖然竊嘗為德皇慮焉蓋德與法為世仇奧與賽斯鹿林之事法未
嘗一日去諸懷車相在日極力結好於俄為制法之計法見俄德之交深固未敢遽起兵戎迫車相退位新
相臣棄俄聯英有識之士已慮其非計今更欲強佔呂宋阻礙英在東方之權勢萬一英不能堪偶啟戰釁
鹿死誰手固未可知且耽耽之法久思乘機而動德雖強更何以堪此乎古來好大喜功之君在中國則莫
如漢武在西國則莫如拿破崙破漢武拓境之廣西北萬里咸隸版圖然驢武窮兵當時已未洽民望輪臺下
詔雖悔何追拿破崙破乘性梟雄每戰輒捷歐西諸國無不畏其聲威詎料事機一失流徙荒島身死國辱貽
笑後人然則雖甚英武之主苟不探本仁義徒恃勢力以服人亦何能為久長之計哉邇者德皇懷抱壯圖
固非一日當車相未亡時嘉猷碩畫雖已不甚聽從然老成謀國亦未便全行違棄今則大星甫隕世局忽
更論振興海軍之謀固為國家之急務然貪得無厭貽悔亢龍吾於此不特為歐亞兩洲人民慮吾更竊為
德皇危焉

上諭恭錄

○八月初六日奉 上諭宋伯魯濫保匪人平素聲名惡劣着即行革職永不叙用欽
此○初十日奉 上諭朕躬自四月以來屢有不適調治日久尚無大效京外如有精通醫理之人即着內
外臣工切實保薦候旨其現在外省者即日馳送來京勿稍延緩欽此○十一日奉 上諭吏部左侍郎徐
用儀着在總理各國事務衙門行走欽此○同日奉 上諭朝廷振興庶務籌辦一切新政原因當此時局
莫為國家圖富強為吾民籌生計非好為變法棄舊如遺此萬不得已之苦衷當為天下臣民所共諒乃
悉近日民情頗覺惶惑蓋緣有司奉行不善未能仰體朕意以致無識之徒妄加揣測議論紛繁即如裁併
官缺一事本為沙汰冗員外間不察遂有以大更制度為請者舉此類推將以訛傳訛伊於胡底若不開誠
宣示誠恐傳動浮言民氣因之不靖殊失朕心力圖自強之至意所有現行新政中裁撤之詹事府等衙門
原議將應辦之事分別歸併以省繁冗現在詳察情形此減彼增轉多周折不若悉仍其舊著即將詹事府
通政司大理寺光祿寺太僕寺鴻臚寺等衙門照原日辦事毋庸裁併其各省應行裁併局所冗員仍着各
該督撫認真裁汰至開辦時務官報及准令士民上書原以求明且達聰之用惟現在朝廷廣開言路內外
臣工條陳時政者言苟可采無不立見施行而疏章競進輒多摭拾浮詞隨同附和甚至語涉荒謬殊多窺

雖嗣後凡有言責之員自當各抒讜論以達民隱而宣國是其餘不應奏事人員概不准擅遞封章以符定例時務官報無裨治理徒惑人聽並着即行裁撤大學堂為培植人才之地除京師及各省業經次第舉辦外其各府州縣議設之小學堂着地方官察酌情形聽民自便其各省祠廟不在祀典者苟非淫祀者一仍其舊毋得改為學堂以致民情不便此外業經議行及現在交辦各事如通商惠工務農育材講文修武開濬利源實係有關國計民生者仍當切實次第舉行其無裨時政而有碍治體者均毋庸置議着六部及總理各國事務衙門詳加核議據實奏明分別辦理方今時勢艱難一切與革事宜總須斟酌盡善毫無流弊朕執兩用中不存成見爾大小臣工等務當善體朕心永矢公忠實事求是以副朝廷勵精圖治不厭求詳之至意欽此○同日奉 上諭刑部奏案情重大請欽派大員會同研訊一摺所有官犯徐致靖楊深秀楊銳林旭譚嗣同劉光第並康有為之弟康廣仁着派軍機大臣會同刑部都察院嚴行審訊其張蔭桓業經有人奏奏聲名甚劣惟尚非康有為之黨着交刑部暫行看管聽候諭旨至康有為結黨營私情罪重大業將附和該犯之徐致靖等交部研訊外其官紳中有被其誘惑之人朝廷政存寬大概不深究株連以示明慎用刑至意欽此

電語傳聞 ○康主事有為獲咎出京復由上海附航到滬等情已見前報茲接港信謂康君向在省垣設帳從遊頗不乏人大有桃李滿公門之概本年康君治裝北上其及門之眾仍樂依講席並未散歸傳聞康君於本月初間未出京之前一二日曾電致館中諸同學有時事多艱吾道不行脩我牆屋數語想是時康君仍未知其獲咎如是之重第以不行其道故歸志浩然耳又據上海來信謂康君到滬時行李甚多即由重慶輪船遷至英領事署暫為安置是其出京時之紆徐不迫更可不問而知矣

諭誅逆黨 ○頃接香港中外新報云八月十七日六點越十五分鐘接上海訪事人發來急電云現接北京消息是日奉 皇太后懿旨有云 皇上訪聞康有為糾同逆黨潛伏 頤和園欲將 慈駕劫奪以出並有同謀叛逆等事似此情罪重大著即拿獲明正典刑張蔭桓疑亦同謀著發往喀什噶爾充軍云云來電又言 皇上初定於九月初五日奉 太后臨幸天津閱操現已降 諭停止此行想亦因時事紛紜之故也

要案彙紀 ○近日報紀申埠電傳 太后輔政電拿已革主事康有為及已革舉人梁啟超未獲英國已發兵船入京保護各節昨午接到初十日電 諭恭譯之下果知 皇上龍體欠安刻在徵醫調治而同時接有京友來函內言京中九門提督於初六日奉有將康有為革職拿問密旨乃帶同司員番役至米市胡同南海會館查拿奈康已於初五日潛逃出京故祇將其弟廣仁并僕從二名拘解城中而去移時又聞步軍統領衙門兵弁又至錫拉胡同張樵野少司農住宅搜查又有宋伯魯革職之 諭一時都下喧傳僉言康黨勢將從此不振惟 皇上近日若何函中並未提及本日又有飛函自津門來者拆閱之下所誌各節與京函畧同惟末言寓津西人因俄人欲據牛庄口岸是以英國已派大隊兵艦十餘艘飛赴旅順威海各處等語又接金陵來函據言初七日下午督轅接密電督憲劉制軍即傳署藩司胡芸台方伯暨高據要津之各當道到轅密議公務長久始出初八日江甯府劉嘉樹太守正當考試武童之時忽聞傳事稟稱督憲頃又接有緊急電信立傳府尊至轅太守聞信立飭武童暫停考試各歸寓所候示遵行旋 飛興趨詣督轅謁見制軍諭話至兩點餘鐘之久始退有叩以憲語云何者則緘默不言且聞制軍當傳見各官時屏絕侍從異常機密而臆度者則謂大約亦係密查康有為之事逮至日墜時又接蘇友發來要函謂升撫奎大中丞接有 聖躬不豫京電並密 旨嚴拿康有為等語中丞奉電之下因速電飭各處一體嚴密查拿無如毫無影響然刻下尚在秘密並留心餘黨云云其時已革工部主事康有為及已革舉人梁啟超由官場接電密拿均未獲案僅將梁開之大同書局所用張其明各夥並梁之家丁胡啟發等五人提到解到縣由審審李葆初二尹訊無實供在案前晚二鼓時黃大令親坐三堂屏退左右命提張等五犯逐一研訊張供稱廣東新會人捐有監生在梁卓如所開大同書局為夥向來安分梁卓如於今春晉京會試久未回來不知現避何處家丁胡啟發供家主入都之後局事由伊父經營本月初七日伊父接到京電一封不知是何言語是日遂挈其次子不知去向至晨有為則自初九日被英兵輪提去之後迭經蔡觀察一再照會英領事請示奈至今並無回音云

美國郵音 ○美國來信云美廷業經定議於西去月十四號電諭其在法與班言和之使臣謂所有飛獵邊柳順大小各島一概割歸美國而力農海島亦給美以為圍煤之所故美廷再撥兵軍由舊金山言往文城以增兵力該電又云古巴所欠債務美國斷不認償又飛獵邊所有班國公業及教堂產業則概不得索取償項如班國不肯割讓地方則須賠其軍費惟軍費一項班廷經已聲明無力賠償故在外間料之則班國有不能不從美之所請也

美頒新例 ○美國據有飛獵邊後其徵收稅餉等事仍照西班牙向章並未更改茲接小呂宋來信言該處美官准於西歷十月一號即中歷八月十六日將美國管理飛獵邊之新例及新定稅則一律頒行其鴉片烟一款遵照美國通行則例不准中國人攜帶鴉片入境美國人亦不能將鴉片運入中國無論買賣均屬違禁中國人欲往小呂宋等處亦經立有新例於是日頒出俾知遵守各國所有船隻皆得來往飛獵邊各口岸飛獵邊出產之物一概不徵稅餉云云以上乃美國新頒之大畧章程其中詳細容再查明登錄

美頒新例 ○美國據有飛獵邊後其徵收稅餉等事仍照西班牙向章並未更改茲接小呂宋來信言該處美官准於西歷十月一號即中歷八月十六日將美國管理飛獵邊之新例及新定稅則一律頒行其鴉片烟一款遵照美國通行則例不准中國人攜帶鴉片入境美國人亦不能將鴉片運入中國無論買賣均屬違禁中國人欲往小呂宋等處亦經立有新例於是日頒出俾知遵守各國所有船隻皆得來往飛獵邊各口岸飛獵邊出產之物一概不徵稅餉云云以上乃美國新頒之大畧章程其中詳細容再查明登錄

越路近聞 ○越南來信云法人擬由河內築造鐵路以達粵西之龍州嗣為西省地方官極力阻撓以致此路告停說者謂此事乃蘇軍門部下所為是以法人擬向華官索賠款項或曰華官原無阻撓之事不過法人自知此路無甚利益欲改築鐵路以達滇南故特借此以為作難題目已吁慨哉

重慶噩耗 ○香港來信云現接上海電稱前報重慶土匪蠢動一節現悉重慶府城被匪首余登子率黨攻陷經已失守刻下該處人心大為震動恐該匪有蔓延之勢云

尋獲溫泉 ○溫泉以日本為最多中國亦有數處至於南洋各地惟爪亞有之他則罕見昨有善丹客來叻者云去月間有穆拉油人往丹屬之那務基山尋覓燕窩洞不意於羣山深處尋得溫泉一道其水甚沸時有烟氣騰起熱可燻難其人噴噴稱奇歸與諸人言之一時聞者多有裹糧入山以尋其勝云

輪船相碰 ○藍烟筒輪船蘇丹與由峇眼來叻之河東輪船於廿二日在丹戎實那卑海面相碰蘇丹已被碰傷猶幸未至入水故即趕緊駛行來叻廿三日經已行抵叻中惟河東一船則傷勢更重旋已入水故不得已駛至淺處暫擱今叻中已遣船馳往以便設救矣

使無餘地 ○昨有人從香港來者述文尼刺消息云民黨魁首亞魏那多日前秣馬厲兵往攻亞勝買加馬來因亞勝買加馬來因已被民黨之兵佔據其卑沙野一處應由何口登陸以及何隘進兵皆經佈置妥貼外間亦有知其策者祇固軍機要務不敢持以告人耳顧或者曰西班牙屬地在小呂宋界內者辰下祇剩亞勝買等三處茲據來人所云已被亞魏那多兩處則卑沙野一處不久亦屬他姓耳是一轉瞬間飛鳥之中西班牙不遺寸土京哉錄檳城報

民寡堪虞 ○法屬非洲之馬刺加斯加地方自開闢以至現在土民不惟不能加多而且反見加少法人憂之聞其新設一列定於明年起行該例大概以為凡男人在二十五歲者若無子嗣每年納餉銀十五扶令有子者免女人在二十五歲以上無論已嫁未嫁凡無子者每年應納之餉銀其數比男人減少一半按其所定之例原欲迫人為後嗣之計迨至人人皆謀嗣續則生齒不期繁而自繁矣然自法人觀之如此辦理未嘗不以為善策也

日論弭兵 ○西歷八月三十號俄君主弭兵之議電致倫敦日本有賀長雄學士從而論之曰俄皇此舉固莫測其命意之所在蓋觀俄國近來方竭其財力擴張軍備似乎言實不符况今五洲各國富強莫如英猶添置軍艦俄亦因之增設海軍即我日本整頓海軍未嘗少懈至美國自與西班牙戰勝以後聲勢日強實為俄之隱憂且上月二十五號得倫敦電報有云現年俄國參作收穫甚歉冬季不免饑饉又八月二十八號本報所載俄國此時財政非常困竭安知非藉此作一頓挫俾一二年後從容舒展耶然該國歷年來因製備軍實屢增稅例重徭厚斂民力疲敝已極其國內之社會共結兩黨勢力益盛恐今日之患不起於外而生於內耳惟其選舉議員每擇社會黨者多斯略與列國同也其宣言弭兵之意豈不可會歟譯日本報九月五號

韓國逐臣 ○朝鮮前因金在豐等有謀為不軌情事並拘獲黨人訊讞業經法部大臣判定放逐爰將各人流配處所錄下金在豐李忠求李龍漢定在全羅道新智島金箕璜李鐘林定在全羅道楸子島李祖鎮李用漢定在全羅道古今島此外尚有免職之閔泳駿朴定場二人閔則歸臥漢江別墅嘯傲林泉朴則謝客杜門屏絕世事云譯日本報

派員辦理學堂 ○天津改書院為學堂學紀前報茲聞中堂特派總辦大學堂王苑生觀察會同運司方都轉關道李觀察津道任觀察督同天津府縣李太守呂太守遵照奏案親往各書院詳加查勘約需經費若干除原有經費不敷外應如何設法籌撥詳細查覆有知其事者謂集賢書院擬改高等學堂三取會文兩書院擬分別歸併改為天津府學堂天津縣小學堂輔仁問津各書院擬改學堂名目變辦理均仍照舊按月考課中西兼試其餘則一律停課云

張香帥致總署電 ○奉六月十九日 咨諭今於上海漢口設商務局飭江督劉與之洞揀選員紳試辦慎選有人即行具稟等因此事乃今日要政上海為沿海總會漢口為上游要衝鐵路樞約自應分設兩局上海由兩江委員開辦漢口由鄂省委員開辦湖北擬委道員王秉恩並另電奏調江蘇候補道程儀洛會同總理漢口商務局以鼓舞聯絡上遊川陝雲貴湘粵等處工商為要義并選殷實誠信通曉時勢之商董數人為總董會同商酌其商學商報商會及講求工廠製作商貨銷路等事江楚兩局各自籌辦遇有應行聯絡貫通或應互相協助之處時知照會商辦理雖分為兩局仍聯為一氣當隨時與江督劉商籌酌辦再查商務事體所重在商而不在紳緣漢口之商外省人多本省人少但隨取其熟悉商情勢難拘於本處紳士合併聲明除詳細情形具報稟陳外請代 奏之洞肅 諭

關道觀風 ○上海報云署蕪湖道張蕪農觀察于去月念二日出示觀風限十日交卷謹將題目錄左○內治題○窮則變變則通通則久論○問王荆公欲罷詩賦明經諸科請興學校以復古而眉山蘇氏爭之得失之數若何○書顧亭林天下利病書後○皖南風俗利病說皖南地廣或難周知試各就本邑言之○外交題○問布氏門人以公法為性理之一派俄拉費以諸國之公法與人人之性法分門別戶其

義孰當○界約原始○跋景教流行中國碑○百里奚為典屬國說○理財題○聖令農戰廣議○安省辦理清賦有無流弊說○整頓皖南商務策○安省新鑄銀元銘 駢文序○經武題○國朝平定葉赫九國及東海諸邦用兵道里攷○起之書幾乎正武之書一乎奇論○擬安省創設武備學堂章程○皇上恭奉 慈輿巡幸天津閱兵頌○攷工題○問孔子多能子產博物冉求稱藝士今日攷工之學有何可徵合否○機器製造土貨說○攷工記圖讚○格物題○西國格致之學以阿盧力士託德爾為稱首英人貝根次之達文施本恩又次之試就其同異淺深論著于篇○墨子經上經下有重學光學之義說○天圓地圓之說本于管子管子解○電賦 不拘韻

龍牙命案 ○昨有客由龍牙來叻者云該處所轄之東薄港有潮人陳姓於此採柴燒炭為生僱有傭役十餘名於此作工月之初二日該炭室因有喜事諸役遂聚而賭博嗣經港主潮人黃某探知其事即前往索取規費諸役不肯因之口角而回黃心不甘即於翌早帶同差役并家丁等前往該室執獲工人二名而歸詎至中途忽被諸役糾眾將此二人奪回拒格之際因將黃之要害刺傷翌日即經斃命即經黃之家報官派差往緝兇徒詎至則諸役已逃竄一空僅將室主陳某之子一人執獲送至署內審訊今猶未悉作何辦理也

蘇祿命案 ○昨接蘇祿來信內述一謀財害命之案殊駭聽聞先是有鍾漢生者廈門嘉禾山鍾宅社人旅處南洋常由叻往來蘇祿等埠以採販真珠為業其在叻地則常寄寓粵海廟前協利號內本年三月間曾在蘇祿購有巨珠一顆本年三千元到叻而後售於某洋行得價八千五百金鍾以一珠之價竟獲利五千餘元於是其興益高遂於去月間多備資本由叻言往蘇祿地方復由蘇祿轉往三寶壟等處購求寶貨因携有現銀千餘元一日由三寶壟欲往內港因其宗人僱用素所相熟之土人小船鍾附之即往迨至下午欲回叻地因嫌原船載客過多起居不適因亦附該船另僱別舟載回叻地詎自此一去即已無踪嗣鍾之宗人見其久而不歸頗生疑慮出而密訪始知被駛船之土人甲乙丙三名所謀害因即將情向地方官署報聞旋經有司將甲等三人拿獲今此案猶未經訊定也

虎患堪虞 ○廿三早有有人在甘公峇汝船澳附近捕房之所見有一虎一時人眾譁然所幸此虎未有傷人未幾遂去緣是之故日來經此間者不免大有戒心矣

驗豬免費 ○署理三州府輔政使司堅 為曉諭事照得進口豬隻向由 王家獸醫驗看每頭取規費銀一角茲自一千八百九十八年十一月一號即華人戊戌年九月十八日起此項規費即行免納倘有不法人等胆敢藉端索討者准向 王家獸醫或巡捕廳署稟明以憑究辦此示 英一千八百九十八年九月廿七號 示

積犯被逐 ○閩人陳天年逾六旬曾犯盜案至有十一次之多在獄之日計共八年零兩月又十三日之久茲悉該犯昨由督署核定將其驅逐回華矣

虛囚錄見 ○地稅局巡山總差執控客人藍勝益於案據稱廿三日在直剛海嶼巡查見藍持斧私斫國家之樹數十株之多用特控之等語廿五日府尊提訊藍已認罪無辭府尊乃判藍罰銀一百元無銀改禁四十二日○前報同濟醫院前粵婦黃亞帶控告粵人葉德拐與二齡養女李三妹一案茲悉該氏近已查得此女所在即於廿三日赴案報明引差至淡申路流水坑客人某甲家中搜緝經在甲妻粵婦鍾亞容處將女搜獲爰即執容送案同日府尊提訊一次命展至九月初三日再訊至葉德一名是否拐誘此女則俟訊實時始能詳悉也○西妓嗎尼屢犯酒酒之案罰禁多次仍不少悛廿三日下午四點餘鐘時又因酒致醉在於路中滋事致被差獲送於案同日府尊訊畢以其屢犯不改因判繫獄十四日以示重懲○閩人蘇和貴於二十五早早行後生怡興布店門前盜竊空貨箱三具被獲訊定後判禁三個月又潮人吳亞耀同日早在水仙門盜竊某洋貨店之空貨箱一具被獲訊定後判禁四十二日○前報潮人蔡亞保郭中秋蔡益州林喜春四人被丹戎巴葛船澳控其私收賊贓一案同日府尊訊畢被告狀師力為申辨訊畢後以無實據命將此案注銷惟林喜春一名前因被箱壓傷送院調治奈傷勢過重廿五早經已斃於院中矣

鐵路礦務總局奏稿 ○欽命礦務鐵路總局謹奏為遵 旨設立礦務鐵路總局謹將路礦大畧開局日期並派定司員恭摺仰祈 聖鑒事本年六月十五日恭奉 上諭鐵路礦務為時政最要關鍵現在津榆津蘆鐵路早已工竣由山海關至大凌河一帶亦籌款接辦大段已具礦務以開平漢河兩處辦理最為得法成效已著現在一律推廣惟路礦事務繁重誠恐各省辦法未能畫一或致章程歧出動多窒礙亟宜設一總滙之地以一事權著於京師專設礦務鐵路總局特派總理各國事務大臣王文韶張蔭桓專理其事所有開辦鐵路一切公司事宜俱歸總辦以專責成欽此臣等竊維中國疆圍之廣民物之饒甲於諸洲指日鐵路星羅礦工雲集若漫無歸宿則利未溥而善已潛滋欽奉 諭旨京師專設總局所以保 國權而息紛擾畧如各國鐵路礦務設部之例經權妙用深佩 聖明此中籌辦之道或官辦或商辦或官督商辦宜有區別即中西商合股亦屬商辦與他國國家無涉又鐵路公法凡車載脚價均由政府核定從無公司自定者現在津榆津蘆鐵路車行漸暢而每墩貨物收數幾何上中等下等各位收數幾何戶部與總理衙門均無案可稽即車路起訖工程分數開車次數車行時刻車上條規車機處所車路車站所占地畝為官地為民地並車路車站車頭車內所用工匠華洋人各幾名客車貨車各幾輛亦均無可考將來蘆漢粵

鐵道礦務總局奏稿 ○欽命礦務鐵路總局謹奏為遵 旨設立礦務鐵路總局謹將路礦大畧開局日期並派定司員恭摺仰祈 聖鑒事本年六月十五日恭奉 上諭鐵路礦務為時政最要關鍵現在津榆津蘆鐵路早已工竣由山海關至大凌河一帶亦籌款接辦大段已具礦務以開平漢河兩處辦理最為得法成效已著現在一律推廣惟路礦事務繁重誠恐各省辦法未能畫一或致章程歧出動多窒礙亟宜設一總滙之地以一事權著於京師專設礦務鐵路總局特派總理各國事務大臣王文韶張蔭桓專理其事所有開辦鐵路一切公司事宜俱歸總辦以專責成欽此臣等竊維中國疆圍之廣民物之饒甲於諸洲指日鐵路星羅礦工雲集若漫無歸宿則利未溥而善已潛滋欽奉 諭旨京師專設總局所以保 國權而息紛擾畧如各國鐵路礦務設部之例經權妙用深佩 聖明此中籌辦之道或官辦或商辦或官督商辦宜有區別即中西商合股亦屬商辦與他國國家無涉又鐵路公法凡車載脚價均由政府核定從無公司自定者現在津榆津蘆鐵路車行漸暢而每墩貨物收數幾何上中等下等各位收數幾何戶部與總理衙門均無案可稽即車路起訖工程分數開車次數車行時刻車上條規車機處所車路車站所占地畝為官地為民地並車路車站車頭車內所用工匠華洋人各幾名客車貨車各幾輛亦均無可考將來蘆漢粵

漢密滬津保四路推而及之他處亦復如是則 國家予公司以莫大利益而公司視 國家漠不相關所謂開鐵路以拓富強者安在也及今
整理尚不致叢腫日積不可收拾此鐵路之大畧也至各省礦務漠河開平成效已著漢河歲解戶部銀約二十萬兩幾經驗查而其礦山界址
探礦章程與沙丁畫分四六成生金猶是藏頭露尾黑龍江將軍開礦又尤而效之無非以鉅京遙遠驟難稽核自非令和盤托出不足以拓商
務而垂久遠又開平煤礦初辦甚疲最近年經理如法出煤日多時或運銷南洋煤質之佳遠勝日本果能推行盡利足為 國家生財現在商
款若干官款若干從前兼辦德士能否不致虧本每日每年出煤數目局廠幾處各用華洋人幾名應令據實具覆此擴務之大畧也本年
山西河南礦務章程經衙門核議具奏其第六款礦質出井值百抽五仍完出口稅各節於 國帑不無裨益他省煤礦可採照辦理至
五金之礦則值百抽五不足以盡之自宜另訂抽收之法以重公帑現在遵 旨設立京師總局臣等先就戶部總理衙門調查檔案分行各省
各公司查取現辦章程詳為核訂請 旨遵行未經奉 旨設局以前無論官商擬辦未確之舉均不得作為定案緣此數年間照辦路礦者紛
至沓來大都欲得一准辦之據以自為謀其於 國計民生無與也於路礦或取利鈍無與也其所臆舉甚至松竹齋 紙鋪亦可撥認八十萬
銀資本江浙鐵路竟有借銀行期票作保驗訖發還僅與該行訂認一次月息空中樓閣百出不窮駁之則叢謗准之則誤公臣等仰維 朝廷
設局之意准當實事求是何敢委曲遷就然此中情形臣等既有見聞不能不豫為防範以免魚珠淆混貽笑外人設局伊始端緒甚繁另覓公
所恐曠時日現擬就總理衙門西院權為總局選派提調管股章京先將路礦檔案分別清釐以憑核辦即於七月初一日開局一切應辦時宜
容臣等隨時商議具奏所有遵 旨設立礦務鐵路總局各緣由謹繕具陳伏乞 皇上聖鑒訓示謹 奏

土油出投 ○啟者茲定於西屋多末月十四號即華本月二十九日禮拜五上午八點鐘在丹戎隅福蘭公司土油棧內拍賣 土油
一九千箱 諸君有合意購買者祈屆期 玉臨投買特此佈聞
大清光緒廿四年八月廿六日 大英一千八百九十八年十月十號 吧越館主謹白

精製眼鏡告白 ○眼科之理甚微筆難闡述約而言之則人之眼目雖稟賦不一然每至年老則恒兩目昏花此等眼患乃世人所不
能免若非於少時預戴精妙之眼鏡則不能常護其瞳神也又如人生精神有限或因觀書等類過耗目力每致頭痛神倦眼目昏花故眼鏡一
事在所必須雖然若以平常之眼鏡用之不惟無益反足以耗瞳精故必須以製造得法之眼鏡用之始能獲益余業此有年矣平日精心考究
於製造眼鏡之法可謂得厥精微所製眼鏡前在英京及加刺吉打等處售賣卓著聲名今到叻中在刺付酒店第五十七號房中暫行寄寓
諸君賜顧尚祈按址訪尋不勝幸甚 西歷一千八百九十八年十月十號 刺沙勝士謹啟

廈門平糶局告白 ○茲接三寶瓏諸善士滙由建隆興號捐緣款來大銀陸千元容捐冊寄到當即將各善士芳名續為刊登
大清光緒二十四年八月二十五日 廈門平糶駐叻籌捐董事公啟

湖北賑捐告白 ○啟者本坡駐甯陽會館之局現選瓊州會館勸辦前日分設水仙門裕昌隆店蔡翁慰農代辦刻下在瓊館亦係該
店代辦耳 諸君欲捐請到瓊州館裕昌隆兩處報捐可無悞矣
光緒廿四年八月廿五日 勸辦湖北賑捐委員李謹啟

拍賣印字館告白 ○啟者茲本館承 按察司之命定於屋多末月十七號即華九月初三日禮拜一下午二點半鐘在本館內拍賣
南落亞逸街門牌第一百號及一百零一號古友軒印字館及其所創之華字報名曰星報所有機器雜物及店底等計有印字機器 手印機
器 畫格及印號頭之機器 切紙及鑽孔機器 排字盤 銅條 鐵墨盤 中西鉛字粒 鑄字機器 石版車及石版等物 諸君有合
意者請如期前來投買可也此佈 光緒廿四年八月二十二日 大英一千八百九十八年十月七號 吧越館主謹啟

賞格 ○特授三州府華民政務司正堂伊 為懸賞事照得現據潮人李學源稟稱伊係同治四年在叻坡溪墘門牌第十四號內生
長為此出示諭知凡有確知該李學源係在何處生長者可即來署報明如果所報是實即賞花紅銀二十五元此示
光緒二十四年八月二十二日 大英一千八百九十八年十月七號 示

工部局告白 ○啟者特此通知凡新嘉坡工部局內所轄各地段諸人照例可以充當局員及有權可以在各段公舉他人以為局員
者其芳名冊業經改正列入國家憲報之內並有底冊存於本局寫字樓以便諸君到而查閱至諸人有權可以入票公舉局員及其自己可充
局員而其名尚未列在更改冊內者祈即將其芳名及其居址事業等具字通知本局司理人可也特此佈告
西一千八百九十八年十月四號 署工部局司理人綿惹丕奉命謹啟

聲明告白 ○啟者大馬路吉寧廟前第七十四號門牌乾生班鼓醬料雜貨生理及牛車水番泰尾第三十一零六號門牌廣全昌岐油生理原係林德循林欽衛林德球鄧遠發等自昔年合夥經營今猶合力分勞尚覺生財有道所以比日來各股友均已別圖設店各自分營然皆非乾生及廣全昌所分枝而別創也故即特字聲明如乾生及廣全昌有與各寶號取貨均有兩號圖章為憑此外無論各股所友私設之店號與 各寶號取貨均惟經手是問不得互相牽引致後論也此佈

光緒二十四年八月二十二日 大英一千八百九十八年十月七號 乾生號廣全昌各股東等謹啟

移寓告白 ○啟者余現已移寓在土庫煎芝亞里巷即舊麗如銀行邊前德律風公司巷內第一號門牌樓上辦理訟務倘遠近 諸君不棄請隨惠然賜教祈即按址前來面商當不負其所託也此佈 大清光緒廿四年八月十九日 阮添籌謹啟

草聖暫駐 ○朝鮮尹君溪石草法本地人士已所欣賞今由吉龍而返叻現寓於單邊街新巨泰三樓開筆更駐一月動身其潤資均照舊例新到上海箋及金榜紙寄售 光緒廿四年七月十八日 啟

藥店召頂 ○啟者茲有藥店一間生理尚堪過得祇以該店主人事務太煩不能顧及今欲將此店頂與他人承受有合意者請至叻報館面詢便得 光緒二十四年七月初三日 叻報館代啟

新印台灣地圖寄售 ○啟者茲有新印之臺灣地圖精細異常經緯度數井然不紊所謂羅千里於咫尺者目今台事戰爭未已有正人心所宜亟為攷究者 諸君賜顧請移玉至本館面商可也 大清光緒二十四年五月十三日 本館謹啟

時雨軒藥酒發售

蓋聞藥酒之功用甚宏何以市井懸壺屢試罔驗此非藥酒之不佳殆亦所以製此藥酒者之未得其宜也惟本軒所製各項藥酒詳究醫理細訂良方復選地道藥材購醇醪而醱釀故其奏功甚速迥與別家不同即如追風去濕藥酒舉凡一切風濕等症服之皆效大樽價銀五角小樽價銀三角及滋補百歲藥酒性非寒燥固本扶元服之固可延年益壽每樽價銀四角又參茸三鞭藥酒如腎虧遺精體倦神疲服之並可壯陽而種子每樽價銀八角又車中跌打藥酒如跌打刀傷積瘀暴腫服之併可舒筋絡而止痛大樽價銀一元小樽價銀五角又婦人經期肚痛藥酒如經期不調肚痛白帶服之亦可調經而銷瘀每樽價銀四角 以上各項藥酒皆本軒留心監製屢試屢驗方敢出而問世所望 諸君沽而試飲方知余言不謬并希認明招牌古鼎為記庶不致誤惟本軒所擬各價係以平日所沽而論至逢每月初二十六日照價九折以廣招徠 一本軒係在新嘉坡牛車水大馬路戲園街口開張 一在新嘉坡小坡直街廣茂生號寄售 一在芙蓉埠廣生號寄售 一在吉隆坡恒棧號寄售 大清光緒廿四年六月廿九日 時雨軒主人謹啟

新到上等機器油

啟者茲本行有新到之機器油一種此油乃上等之貨所有輪船火礮火鋸及一切機器如用此油者較於卑麻油實有過之且其價值較卑麻油為廉每相約少三四元之譜 諸商有欲購用此油者可至本行取其油辦試之即能知其妙處更可以見本行之語非虛也特此佈告 大英一千八百九十八年八月十八號 中 轄珍目兄弟公司謹啟

實知寶西醫鑲牙告白

啟者余精習鑲牙之業并知牙科醫道凡與人脫牙并無痛楚而所鑲之齒由一二枚以至全副俱能鑲安如鑲全副者乃用最新之法其齒自能嵌固勝於舊法用彈弓者多倍又能以電氣參入醫道以醫脚風骨痛現再究得新法能治肺疾及風濕疼痛骨節堅強等症并為烏里燕達性命保險公司代理華人性命保險之事 諸君賜顧請至末得里路第六號門牌樓上面商為盼 大英一千八百九十八年六月二十八號 牙科醫生實知寶謹啟

店舖出稅 ○啟者茲有店舖一間坐落溝仔墘第廿五號門牌即順源棧之隣前經該棧稅為貨棧者茲欲將其樓下及後樓出稅與人 諸君有欲稅住者請至墊那路頭豐興號內向余詢問便得特此佈聞 光緒廿二年十月廿四日 薛連錫謹啟

豐源號

本號輪船往來各埠船期開列如左 在各埠往實叻日期

由麻六甲往芙蓉每逢禮拜二六日中午十一點鐘開行

由各埠回實叻之日

由麻六甲回芙蓉每逢禮拜二五日上午十點鐘開行

由各埠回實叻之日

由芙蓉往吉隆坡每逢禮拜二六日下午六點鐘開行

由芙蓉往吉隆坡每逢禮拜二四日下午四點鐘開行


由麻六甲回實叻每逢禮拜二五日下午四點鐘開行

各輪船在叻往麻六甲吉隆坡實蘭午 等禮拜五日三點鐘開行特此佈


豐源號謹啟

馳名鐵廚發售

嘗思營生之道所最要者則惟數簿其次則惟銀兩然必須有以善藏始無意外此本行鐵廚所以為諸翁之所共賞也啟者本行所賣之鐵廚久已馳名於東方一帶而於叻坡則聲名尤著至本行購賣此等鐵廚已有三十年之久其製甚為堅固保能避火且其鑰匙甚妙斷非盜賊等所能開計其廚全身均用鐵製成並無雜以木料且諸廚自前至今均為一式堅固耐用



有優劣之分至於各廚大小不一而價值則約一百元至四百元凡用之者可保其不礙焚燒即火災亦無所損本行之鐵廚實為叻坡諸華商



諸君有惠顧者祈即玉

所喜購而本行每年所沽亦殊不鮮茲特為之錄佈倘臨選購為盼 大英一千八百九十八年正月一號 大清光緒二十三年十二月十八日

明嗎也洋行謹啟

三品出品售

啟者本行督辦歐洲馳名三品洋酒來叻發售其酒係白頭款式發售有年沽飲諸君莫不稱其香美奈近有無恥之徒假冒本庄三品酒款式以圖魚目混珠殊殊可恨嗣後諸君購買本行白頭三品酒者請細認本號招牌之內有小紙包頭註明華字新嘉坡明嗎也公司者始真若無此字樣即屬偽冒請為細認特此佈告 大英一千八百九十八年正月一號 明嗎也洋行謹啟



烏密酒發賣



啟者本行向由英國督辦各種美酒來叻發售久已遐邇馳名茲復由英新辦到顏爾士斗雲字號之狗頭票烏密酒到叻應沽此酒香美異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈 英一千八百九十八年正月一號 光緒廿三年十二月十八日 明嗎也洋行謹啟

法國頂上蜂窠標萬蘭池酒發客




IVE BRANDY

SOLE MERCHANTS

敬啟者茲本公司親由法國督辦頂上好萬蘭池酒來叻發售其酒清香濃郁醇厚異常飲之誠可令人長血氣壯筋骨悅顏色妙美無窮今市上所有萬蘭池酒無有能出其右者誠佐饌中妙品也至此酒惟本公司一家沽出餘無別家出售諸君光顧請細認蜂窠標頭為記並細辨香味方不致誤價甚相宜倘有劉伶之癖者祈早至惠臨購買是幸 英一千八百九十八年正月一號 大清光緒廿三年十二月十八日 明嗎也洋行謹啟

蜜酒發賣



啟者茲本行由歐洲辦到上等蜜酒來叻發售其酒甚佳茲將標頭印出諸君光顧祈為細認免致有誤近聞有無恥之徒假冒本行鎖匙標飲希圖魚目混珠最堪痛恨今本行再行核定於酒樽木枳內加鐵烙鎖匙形以示分別倘諸君有知何人假冒請到本行報明即謝花紅銀二百大元經官訊定即能給發斷不食言再此酒不能販往加勝巴三寶瓏酒里末望加錫檳榔嶼日理等處其他埠均能運往並此佈聞 大英一千八百九十八年正月一號 光緒廿三年十二月十八日 明嗎也洋行謹啟

明嗎也洋行謹啟

